

Sakspapir

Saksnr	Utvalg	Type	Dato
057/22	Formannskapet	PS	02.06.2022
	Kommunestyret	PS	

Sakshandsamar	Arkiv	ArkivsakID
Odd Harald Dommersnes	FE-212	22/606

Godkjenning av rekneskap 2021

Vedlegg:

Årsrekneskap Austrheim kommune 2021 - 27.04.2022

Revisjonsmelding_Austrheim_2021_2

Fullstendighetserklæring 2021

Årsrapport 2021 - Austrheim kommune - endeleg utgåve 31.03.2022 - revidert 27.04.2022

Framlegg til vedtak:

1. Kommunestyret godkjenner rekneskapen for 2021.
2. Netto driftsresultat i rekneskapen for 2021 blir i heilskap sett av til disposisjonsfond.

Formannskapet - 057/22 - 02.06.2022

FS - behandling:

Økonomi- og personalsjef Odd Harald Dommersnes orienterte om saka, inkludert uttalen frå Kontrollutvalet si handsaming 1. juni.

Om 2021 viste ordførar Per Lerøy at noko av avvika frå budsjett til rekneskap kjem av midlar som kom uventa utanfrå, som støtte til Korona-arbeid eller investeringsstøtte til trafikksikring. Desse midlane vil gje vekst, gjerne både i inntekter og utgifter.

Kommunedirektør Fjellhaug viste til at revisjon og kontrollutval var opptekne av at innkjøp må vera forankra i vedtak i kommunestyret, her sa ordførar Lerøy at politkarane og administrasjonen må hjelpe kvarandre for å til dette.

Handsaming i formannskapet:

Samrøystes for kommunedirektørens framlegg til vedtak.

FS vedtak:

1. Kommunestyret godkjenner rekneskapen for 2021.
2. Netto driftsresultat i rekneskapen for 2021 blir i heilskap sett av til disposisjonsfond.

Saksopplysninger:

Bakgrunn

Kommunestyret skal sjølv vedta årsrekneskapen på grunnlag av innstilling frå formannskapet.

Vedtaket må syna disponering av rekneskapsmessig overskott eller dekning av rekneskapsmessig underskott, jf. kommunelova § 48. 3. ledd.

Frå forskrift om årsrekneskap og årsberetning §10 hentast fylgjande:

1. ledd: Årsrekneskapen og årsberetninga skal vedtakast av kommunestyret og fylkestinget sjølv seinast seks månader etter at rekneskapsåret er avslutta.

2. ledd: Årsrekneskapen skal vere avlagt innan 15. februar i året etter rekneskapsåret.

3. ledd: Administrasjonssjefen eller kommune-/fylkesrådet utarbeidar årsberetninga, og legg den fram for det organ kommunestyret eller fylkestinget avgjer.

Årsberetninga skal gjevast utan ugrunna opphald, og seinast innan 31. mars. Dersom årsberetninga ikkje blir lagt fram for kontrollutvalet, skal den over sendast til kontrollutvalet før kontrollutvalet gir uttale til årsrekneskapen. Årsberetninga skal føreligge til handsaming i kommunestyret eller fylkestinget samstundes med at årsrekneskapen skal handsamast.

Frå forskrift om revisjon i kommunar og fylkeskommunar mv. § 5 hentast fylgjande:

1. ledd: Revisor skal gje revisjonsberetninga utan unødig opphald etter at årsrekneskapen er avlagt og seinast 15. april. Revisjonsberetninga skal gjevast også der årsrekneskap ikkje føreligg eller er ufullstendig.

Frå forskrift om kontrollutval i kommunar og fylkeskommunar. § 7 hentast fylgjande:

Når kontrollutvalet er blitt førelagt revisjonsberetninga frå revisor, skal utvalet gje uttale om årsrekneskapen før den blir vedteken av kommunestyret eller fylkestinget. Uttalen vert gjeve til

kommunestyret eller fylkestinget. Kopi av uttalen skal vere formannskapet/kommunerådet eller fylkesutvalget/fylkesrådet i hende tidsnok til at det kan takast omsyn til den før dette organet gir innstilling om årsrekneskapen til kommunestyret.

Driftsrekneskapen

Driftsrekneskapen for Austrheim kommune i 2021 syner eit rekneskapsmessig mindre forbruk på kr 4 929 013,-. Hendingar etter balansedagen (31.12.21) fram til årsrekneskapen er avlagt skal berre innarbeidast i årsrekneskapen dersom hendinga gir informasjon om tilhøve som eksisterte på balansedagen og vil ha rekneskapsmessige konsekvensar for årsrekneskapen.

Hendingar oppstått etter at årsrekneskapen er avlagt er kommunen ikkje pliktig å innarbeide i årsrekneskapen.

Revisjonsberetninga og kontrollutvalet si uttale

Dersom det kjem fram tilhøve i revisjonsberetninga eller kontrollutvalet sin uttale som bør kommenterast av formannskapet, vil dette bli sendt fram i form av eit eige notat før saka skal handsamast av kommunestyret. Det er ein føresetnad at revisjonsberetning og kontrollutvalet si uttale ligge føre når kommunestyret skal handsama årsmeldinga for Austrheim kommune med årsberetning og årsrekneskap.

Økonomiske vurderingar av årsrekneskapen for 2021

Dei økonomiske vurderingar, avvik og disponeringar er gjort greie for i årsrapporten under kapittel «økonomisk analyse og nøkkeltal». Du finn dei her: [Økonomisk analyse og nøkkeltal \(framsikt.net\)](https://framsikt.net)

Konklusjon.

Netto driftsresultat er hovudindikatoren for økonomisk balanse i kommunesektoren, og er eit

uttrykk for kva kommunen har til disposisjon til avsetjingar og investeringar. Austrheim kommune har i økonomireglementet sitt sett som mål at ein skal ha eit disposisjonsfond på 13 % av brutto driftsinntekter. Kommunedirektøren rår til at heile mindreforbruket i 2021 vert avsett til disposisjonsfond.